



CANNEN

SPIRITUEL

A Vuhé **SANT ALEXIS.**

A Nep a gar JESUS.
 A greisie é galon,
 Hac a ven bout eurus
 Eveit jamæs gueton,
 Considered erhat
 Buhé sant Alexis,
 A ziscoei d'emp reh mat
 En hent d'er Baradois.

É Rom e hoé gannet
 A guerent-forh puissant,
 Peré haé estimet
 Guet en ol tud vaillant;
 Rac i vivein erhat,
 Evel guir Christenion,
 É tiscoent example vat
 Partout dré er hanton.

(2)

En dut necessitus
Hac en intanvezet,
Er beurerion mehus
Hac en orphelinet
Nou devoé quin recur
Meit é ti Euphemien,
Evit cavoet secour
Ha torrein hou anquein.

Forh pel é vivezant
Hemp hou devout ligné,
Pedenneu a rezant
Liés den Eutru Doué,
Mar plichezé guet-on
Rein ur hroaidur dehé;
De gonsolation
Er reste a hou buhé.

A la fin Doué touchet
Dré en orezonneu
A rent dehou bamdé
Hac hou alezonneu,
A ras ur map dehé
Pehani a vivas
En durant é vuhé
En ur santeleh vras.

Er hroaidur ALEXIS
A ré mercheu abret

(3)

Durant é ioanctis
E tisprisé er bet :
Dré é vuhé reglet
Ean a rezé d'antant
Penaus ehoé gannet
Evit devout ur Sant.

Euphemien é dat,
Pe zas en ouait dehon,
Quenteh e oulennas
Ur pried eveit on,
El men devoé puissance
Hac assès a vadeu,
Ean e vennas avance
E vab én inourieu.

En Ampereur e Rom
En dehoé ur Princés
Hac a voé deit de chom
De vaton d'é balés,
Ur verh santel e hoé
Ha carguet a zouster,
Hac open en dra-zé
E hoent hou deu a quér.

Er Prince Euphemien
I hanavé reh mat
Hac e yas d'hi goulen
Eveit priet d'é vab.

(4)

Er Roué Honorius
A rescondas dehon
Penaus ehoé joïus
Ma vezé reit dehon.

Nezé sant Alexis,
Evit plegein d'é dat,
A ziscouas é pep quis
Ehoé ur broaidur mat;
Car ean a guemeras
Olympi eit priet,
Mæs guet ur glahar bras
En dout um angaget.

Eun en dehoé a chom
En durant é vuhé
Guet é briet é Rom,
É leh servigein Doué;
Mæs imber em gavas
É creis é liberté
Dré er peh a glevas
A berh en Eutru Doué.

En nos quent æredein,
Doué e gonzas doh-ton,
Eit en avertissein
Dré révélation
De guittat é briet
Hac é ol palesieu,

(5)

De zisprisein er bet
Hac en ol inourieu.

Car allas Alexis,
Emé en Eutru Doué,
Nen dès nitra hemp pris
Meit un éternité,
Hac evit bout eurus
Petra servige doh hui,
Ma na garet Jesus
Mui evit Olympi.

Er Sant, a pe glevas
Er révélation,
Quenteh é commanças
Larein à uir galon :
Ah ! ne oulennan quin,
Me Jesus guirion,
Ah ! ne oulennan quin
Meit hou permission.

Men Doué, me zou coutant
A guittat er hanton,
Ya, me zou coutant
A greizic me halon :
Evit tat m'ou quemér,
Jesus, Salver er bet,
Ha hui, Guiriés santel,
Evit mam ha priet.

(6)

Nezé sant Alexis,
 Hemp tardein ur momant;
 Hemp laret é avis
 Nac é ùir santimant,
 El ma hé de ziblas
 E gonzas doh hi voés
 Péhani a gavas
 Ir gambre ag é balés.

Quer ferm é cred é Doué
 El un Æl ag en neu,
 Jamæs songe n'en dehoé
 A vlesein é inéu,
 Ean á ras seulemant
 D'Olympi é briet
 Ur groés eur a brezant;
 Hac hi bizeu æret.

Nezé é sortias,
 Hemp laret men ehé,
 É eur a guemeras
 Hac er peh en dehoé,
 Guet eun a vout guélet;
 E tiblassas béan mat
 En habit deguizet
 Er méz a dy é dat.

Dur porh mor é redas.
 Béonnan ma hellé,

(7)

Hac éno é cavas,
Dré permission Doué;
Ur lestre evit diblas
Er méz ag er hanton,
Hac ean um ambarcas
A greizic é galon.

Quetan doar a gavas
A voé Laodicé,
Hac éno é querhas
Hac en nos hac en dé,
Didan volanté Doué
Hac é vam er Uériés,
E h'arrivas nezé
Er guer hanvet Edés.

Eno é partageas
Etré er beurerion
Argant ha madeu bras
Peré a voé gueton,
É zeillad hac é eur,
Hac é ol abideu,
Ean ou ras ol d'er peur
Evit é beilloteu.

Nezé é has evé
De glasq en alezon
A zor de zor bandé
Emesq er beurerion,

(8)

Hac a pen devezé
Mui evit necesser,
Ean en distribué
Den dut clan dré er guer,

É porchet un ilis
Hac a voé forh hantet,
Ehoé é logeris
Hac é ol darempret:
Eno é hoé placet
Un image d'er Uériés
En dehoé quemeret
Evit, avocadés.

Durant ma hoé loge,
Er peur queih Alexis
En ur guer divroet,
É porchet un ilis,
É pried Olympi,
É dut hac é ligné
A voé é melconi.

Hac en noz hac en dé.

El un druhunel peur
An dés collet hé far,
Ha uélet drest en deur
En hirvout ar ur bar,
Er guis-cé é clevet
Olympi é ouilein

(9)

Hemp repos na cousquet,
Hemp ivet na daibreim

Euphemien é dat
A pen das de clevet
Ehoé quitteit é vap,
Hemp laret tra er bet,
A gassas meuelleu
Quasi ol dré er bet,
Da oulen quevelleu,
E songeal er havouet.

El ma ouent dibarès,
Fidel ha diligeant,
Int a yas de Edès,
Él leh ma hoé er Sant,
Hac en ou annavas,
Hemp disclerein dehé,
Ha memb a oulennas
En alezon gueté.

Nezé en em dennas
Tremeh ag er porchet,
Hac a drugarecas
Jesus, en ur laret:
Joé a mès ém halon
Nen don quet annavet
Guet den a me hanton,
Na guet me menellet,

(10)

En durant seihtec vlé
Ehoé er Sant éno
É vivein er guis-cé
Hemp songeal en é vro :
Mæs anfin er gueris
Reih mat a annavas
Santeleh Alexis,
Doh é benignen vras.

An image hont a voé
Er porchet en ilis,
A revelas un dé
Santeleh Alexis :
En inour er spontas
Er guis ma ré perpet :
Raccé ean a guittas,
Guet eun a vout trompet.

Ean en hum ambarquas,
En desir de onnet
En tural d'er mor bras,
Forh pel é prehindet ;
Mæs allas ! en tourmant
Hac en ahuel contrer
A zegassas er Sant
Diar er mor d'er guer.

Ér porh mor a Osty
E h'arrivas quetan

(11)

Er vro a Intaly,
Pe songé bihannan :
Nesé e commanças
Ouillein dré er galon,
Quenteh ma hanavas
Ehoé en é ganton.

Me vel Rom, em-eon ;
Me vel palès me zat :
Pella, tantation,
Ne fal quet dign tostat :
Petra rign-mé breman,
Me Jesus, me Salver,
P'en don deit bet aman,
Ha me yeï bet er guer?

Avance hardéh mat,
Emé en Eutru Doué,
Querh de balés ha dat,
Ha m'ha conservo mé;
P'an dous bet fidel deign
Durant te ol boénieu,
Jamæs na teleseign
En a tantationeu.

Alexis e sentas
Hemp resistance er bet
Doh er voueh a gleüas
Aberh Salver er bet,

((12))

Raccé é retournas,
Dré é consantemant,
Der memp bro a guitas
Dré é commandemant.

Pe antreas é quer,
Quent ma ras tra er bet,
E pedas er Salver
Hac é Vam beniguet
De reign er græce dehon,
Der gaarantein perpet
Doh en tantation
Ha finesseu er bet.

El ma té Alexis
A ober oræson
Er mez ag un ilis,
Ha poén en é galon,
E rancontras é dat
Guet é serviterion,
Er guis ma hoé é stat
Hac é condition.

Er Sant, a p'ér guélas,
A yas de ganz doh ton,
Hac guet un donster vras
E lavarás dehon :
Eutru, me zo carguet
A bep sort peuranté,

(13)

Hac er guis ma huelet
Mé mès nécessité.

Eutru, clewet e mès,
Pen don don deit ér hanton,
Ne refuset jamès
Nétra d'ér beurerion :
Hanvet oh a viscoah
Tat en dut affliget,
Hui a uesq er ré noah
Hac en orphelinet.

Hac e mès quemeret
En hardehtet ehué
De zonnet dou cavet
É creis me feuranté,
Evit hou suppliein,
É hanhue en Eutru Doué,
De reign logeris deign
Er reste a mem buhé.

Er prince Euphemien,
Hemp anavet é vap,
Ne glasqué netra quein
Meit ober aivreu mat,
Hac a gommandas reign
Ur logeris dehon,
Hac open a ras soign
Dur meuel a nehon.

(14)

Mæs er meuèl ingrat
Ha hemp truhé er bet,
É leh er soignein mat,
El ma hoé commandet;
El lacas en exprés
Etré diue goh vangoér;
É léh na voué jamés
Na confort, na splandér.

Hac open en dra-zé,
En ol serviterion
Ne rent na nos na dé
Repos er bet dehon;
Er vilan sotisseu,
Ha canveu a bep quis
A voué douçan conzeu
A larent d'Alexis.

Lod a daulé doh-ton
Scupadureu en ty,
Lod aral pep sort stronc
Ha pep sort loustery,
Reral er scrabissé
Hac a denné é varhue;
Er fin ne rent bamdé
Meit disirein é varue.

Alexis a souffré
Guet ur guir patiantet,

(15)

A gaus den Eutru Doué
Ha dé vam beniguet;
Mæs allas ne oué quet
En ol injurieu-zé
A laqué é speret
En anquin ha tristé.

Doh un tu é clévé
É dat peur é ouilein,
Doh un al é uélé
É vam é huannadein,
É briet Olympi
A grevé é crial
En ur pen ag en ty
Bedic er pèn aral.

Ah! me map Alexis,
E-mé Euphemien,
Mèn e hoé me avis
A hou ç'alliancein?
Mé eu azo caus mat
Ma hoès men delezet,
Rac ne oé quet d'hou grat
Quemerein ur priet.

Ha possible e vehé
Enem behé ur map
Hac em delezehé
En anquein ha huannat

(16)

E léh bout héritour
Deïgn ha d'em ol danné,
Ha carguet a inour
Durant é ol vuhé.

Me Map a garanté,
E-mé er vam beur hont,
Petra mès groeit didé,
P'em lezès en hirvout?
Me mès te gonservet
Etré men dihue gosté,
Me mès te oulennet
Deguet en Eutru Doué.

Ha breman tem dispris,
Dinatur a galon,
T'em deleze, Alexis,
Hemb consolation!
Ah! preparet ur bé,
Evit me interrein:
Paré eu mem buhé,
Ne fent quet mui bivein.

Alexis, Alexis,
A laré Olympi,
Me friet Alexis,
E peh bro é hoh-hui?
Ha possible vé laret
E vehen intanvés

(17)

Ag en nos distinctet
Evit bout rouannés.

Scuillet, men deulegat,
Dareu én abondance,
Mal eu deign ancohat
Pep sort rejouissance;
Ne gaver Alexis
E nep leh ar en doar:
Doué ag er Baradoïs,
Na brasset ur glaharl.

Alexis a glevé
En é léh discomfort
En ol glahareu-zé,
Ha réral a bep sort,
Hac a uélé é dat,
E vam hac é briet
E passein liès-mat
Etal don glaharet,

Alexis a viyas
Er stat truhéus-cé
Guet ur batiantet vras
En durant seihtec vlé,
Ha jamés n'um glemas
Ag er serviterion,
Nac ag er boénieu bras
A hoé en é galon.

(18)

Rac Doué a gonservé
Alexis é vignon
Durant er poénieu-zé
Idan é protection,
Jamés er songe hem quein
Ne dosté dé galon,
Na desir de sentein
Doh en tantation.

Ean a vivé bamdé
Guet guir devotion,
Ha perpet é vezé
E hober oræson;
Peb sul é covessé
Guet guir contrition
Hac en um gonforté
Dré er gommunion.

Anfin Doué a vennas
Recompansein er Sant
Ag é benignen vras
Hac en ol castimant
En devoé anduret
Evit plégin dehon,
Er hassas ag er bet
D'er Baradoïs gueton.

Hac open en dra-zé,
Doué a laras dehon

(19)

En dé ma varvezé
Dré révélation :
Nezé é commanças
Trugarecat Jesus
Ag é garanté vras
Guet ur galon joyus.

Nezé ean a scrivas
Ar ur follen paper
Er peh e anduras
Durant é ol amzer :
E hanhue a zisclerias
Hac ol a boent de boent
Er peh en obligeas
De guittat é guérent.

A p'en devoé scrivet
Ha requetet Jésus
D'el lemel ag er bet
En ur momant eurus,
E plegas er paper
En é zourn benignet,
Evit gortoz en ær,
El ma hoé revelet.

El ma tispartié
E gorf doh é ineu,
Etas pront a berh Doué
Ur voéh à lein en neu,

(20)

Ha dré voyand un Æl
A gonzas evel men :
Clasquet en den santel
E ty Euphemien.

Er Pap hac er Roué,
Ha memb tat Alexis
A glevas er voeh-cé
El ma hoent én ilis,
Hac int monet aben,
Hemp tardein ur momant,
De dy Euphemien,
E vit guelet er Sant

Ehoé é creis er place,
En ur gampric tihoel,
Goleit e hoé é face
Idan ur goh vantel,
Hac a pé lammezant,
E hoé é face santel
Quer caer ha quer brillant
El pe vé bet un Æl.

Mæs a pe vennezan
Lemel er villeten
A hoé é dorn er Sant,
E vit assé hé leine,
N'é lezas guet é dat,
Na guet den anehon

(21)

Que ne dostas er Pap
Dé goulén de gueton.

N'en dès den ar en doar,
Na ne vou birhuiquein
A laro er glahar,
En hirvout, en anquein
A hoé én ur momant
E ty Euphemien,
A pe goumancezant
De leine er villeten.

E dat a pe glevas
Hanhue é vab Alexis,
Hac er peh a souffras
En é dy é pep quis,
A lausquas un taul cr
Ihuél ha truhéus,
Que ne sonnas é dy
Guet ur voeh glaharus

En anquein a vougas
Er gons en é galon,
Quenteh el mar sellas
E couéhas étal don
Que ne songé en ol
Peré a hoé presant
Penaus ehé de gol
Isprit ha santimant.

(22)

Mam er Sant a glevas
Er voeh glaharus-cé,
Ha quenteh e ridas
Evit gout petra hoé;
Mæs er vam beur allas,
Pe hanavas é mab,
A goéhas ar er place,
Semblet guet er glahar.

Er princès Olympi
Hoé d'er-lué hé unon,
Perpet ér melconi
Hac én affliction;
Mæs a pe zesquennas,
A pe uélas hé den
Hac a p'en hanavas,
Ah Doué! pebeh anquein!

Dehoh eu é ouillen
A oudé pèl amzer,
Ha hui eu a glasquen!
Ha bout ehoéh ér guer:
Diar ur guer pé deu
E couéhas ahetet,
Béet guet en dareu,
Etal treit hé friet.

(23)

Honnan eu, Christenion;
Buhé sant Alexis;
Anep a reï èl don
A yeï d'er Baradoïs;
N'en dé quet er maden
Nac inourieu er bet
A condui der joyeu
Er Sent ha Santezet.

Allas ! na liesset
E lacq er péhour peur
E ol studi ér bet
En argant hac én eur:
E leh servigein Doué
El m'en dé obliget,
E basse ol é vuhé
E folleaheu er bet.

Diguor enta, péhour;
Diguor a zeulegat;
Distro doh te Grouéour;
Ha consider erhat,
Consider hoah ur uéh
Ema te ineu peur
Precieussoh mil guéh
Evit argant nac eur.

(24)

Sellet hoah guet truhé,
Jesus, Salver er bet;
Sellet hoah a druhé
Doh ur péhour calet;
Distaguet é galon
Doh inourieu er bet,
Hac anseignet dehon
En hent de vout salvet.

FIN.

E GUÉNET,

**E ty DE LAMARZELLE, Imprimour,
ar el Licen.**